



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Divi Bambergenses S. Henricvs Imperator S. Kvnegvndis  
Imperatrix S. Otho Episcopvs**

**Gretser, Jacob**

**Ingolstadii, 1611**

XVI. Præfatiuncula in miracula S. Kvnegvndis.

**urn:nbn:de:hbz:466:1-41527**

## CAPVT XVI.

*Prefatiuncula in miracula S. Ku-  
negundis.*

Hristianæ religioni proficiens Ecclesia fidelis, que  
in Euangelio, voce Domini testante, Dei mater &  
filia per gratiam nominatur; mater, quia sancta o-  
perationis exemplo filios Domino generat: filia,  
quia Virginis filio, pro salute mundi incarnato, eruditione  
sanctorum Patrum quotidie generatur: salutem missam à Do-  
mino, cœlestis archiatri effectibus medicinæ plenam, tam mē-  
tis, quam corporis auribus animaduertat: Mundanæ machi-  
næ conditor humano generi per inobedientiam lapsi con-  
dolens, ut æternæ vita fructus faciétem nouam plantationem,  
scilicet primitiū Ecclesiam insereret; Patriarchas & Prophe-  
tas in mundum mittere dignatus est. Qui creditum sibi offi-  
cium, quinque corporis sensibus, sextoque, qui est spiritus  
Prophetiae, mysterium incarnationis Christi, & omnia, quæ  
de ipso annucianda erant, prædicantes, alij asperitate vita, a-  
lij diuersis pœnarum mortibus, ipsi, quem prophetabant, fa-  
mulum suum fideliter implenerunt. Horum limes Christus,  
æterni Patris consilio pro liberandis hominibus de intemera-  
tæ Virginis vtero processit, ut iam inchoata plantationi, mis-  
sis per orbem Apostolis, atque de suo corpore fuso cruore fa-  
bricata, nouellam superadificaret Ecclesiam; quæ S. Trini-  
tatis fide imbuta, & mundata baptismi gratia, Martyres, Con-  
fessores, & infirmi sexus Virgines, animo tamen constantes,  
primitias obtulit.

Inter quas B. CHVN BGVNDIS, flos Bambergensis Eccle-  
siae, cum S. HENRICO, qui Romanorum Imperium tenuit,  
sub coniugij specie, immortali sposo castæ virginitatis ho-  
nore deseruit. Vnde iam eius sanctitatis merita per orbem  
manifesta declaratione apparent; quia in loco, ubi sanctum  
eius corpus quiescit, infirmi, quacunque laborantes ægritu-  
dine,

dine, sanitatem recipiunt. Ut autem ad omnia testes caurissimi simus, veritatis amatoribus, etati nostrae succendentibus, de his, quæ scribimus, curiosè indagantibus, scilicet, quo tempore opera curationum præfata Imperatricis initium habuerint, largiente Domino, prout possumus, volumus explicare.

## CAPVT XVII.

*Energumenus ad sepulchrum S. Kune-*  
*gundis liberatur. Tres contra-*  
*cti, curati.*

**A**nno Dominicæ incarnationis M. C. LXXXIX.  
 Indictione II. Tiemone tertio decimo Babenbergen sis Ecclesiæ Episcopo, quarto Pontificatus  
 sui anno; ad Vincula S. Petri, ne de sanctitate præ-  
 memorata Virginis ambigeremus, signorum experientia cer-  
 tificati sumus. Nam dum, solito more, populus ad prædictum  
 locum orationum & vigiliarum causa conuenisset, affuit qui-  
 dam dæmoniacus de villa, quæ dicitur \* Dierrut; qui nec \* Beirrus.  
 pietatem agnoscens, nec scelus abhorrens, filium suum igne  
 cremauerat. Hic duris funibus adstrictus, ad sepulcrum san-  
 ctæ KVNEGVDIS ita mansuescere ceperit, ut furiali morbo  
 absolutus, Deum omnipotentem laudaret, eique, cuius pa-  
 trocinantibus meritis hæc sibi accidisse cognouit, cum ca-  
 terua, quæ præsens adstiterat, debitas acclamabat laudes. Igi-  
 tur dum hæc tam cleri, quam populi solenni deuotione age-  
 rentur, tres contracti, unus in suburbio de hospitali S. AEGI-  
 dij, qui magis reptando, quam \* scabellis voluebatur: alter sanantur. Vida  
 de domo Chunradi Maioris Ecclesiæ Præpositi: tertius item MS. Bamberg-  
 de domo Ottonis in eadem Ecclesia Canonici, super sepul-  
 crum beatæ Virginis positi, ab unius dolore pa-  
 sionis una erecti sunt manu diuinæ  
 curationis.

CAPVT

*Tres contracti*  
*sanantur. Vida*  
*qui hac distin-*  
*cione.*  
*\* per scabellum,*  
*intellige cru-*  
*culas manuum,*  
*quibus contra-*  
*cti vti solent.*